

永樂大典

卷四百八十九

永樂大典

卷四八九

潘岳誄曹太公小人種花心朝在夕不存五采野中書君老而禿不任吾
 用吾嘗謂君中書而今不中書耶因不復召君又七相傳員既能共屬鏤
 賜斯既帝秦五刑具長平威振社鄴元垓下敵擒鍾室誅皆用盡身賤功
 成禍歸劉賓客素我忽若遺郭春懷谷傳也曩者膠漆契邇來雲雨歟
 樂天初則許之以死徇體面俱柔終乃背之而飽飛身名已遠張九齡上
 見傾險昔年洛陽社貧賤相提携今日長安道對面隔雲泥唐文粹五見

謹始克終 元劉文貞公集人恐不知學知恐不能行終理後謹始
 復克終斯 **善始令終** 元王惲秋潤集史丞相家傳其跡富貴
 人聖賢偶 **慎終** 世說新語王右軍與王敦仁許玄度並善二人亡後石
 之者郭 **慎終** 軍為論議更克孔巖誠之曰明府昔與王許周旋有情
 及逝沒之後無慎終之 **當慮其終** 朱真集愛更之始當慮其終
 好民所不取右軍甚愧 **政之始終** 荀子致仕篇 臨事按民而
 無初有終先庚後庚盡 **政之始終** 以義愛應寬裕而多容恭敬
 言先甲後甲終則有始

永樂大典卷四八九

四

以先之政之始也 多容廣納也 然後中和察斷以輔之 政之隆也 故一年與之
 為在始之中也 察斷斷了亂矣 然後進退誅賞之 政之終也 故一年與之
 始 三年與之終 夫不取而後謂之善 故為政之始 宜以多容三年與之
 使進退誅賞也 用其終為始則政令不行 而上下怨疾亂所以自作也 先
 實而後德化 則亂 邵子觀物篇始終教化勸率為道者乃謂之易矣 以教
 化勸率為德者乃謂之書矣 以化教勸率為功者乃謂之詩矣 以化教勸
 率為力者乃謂之春秋矣 此四者天地始則 **數有始終** 張行成
 始焉 天地終則終焉 始終隨乎天地者也 **數有始終** 述行天
 地間萬物萬事無不出於數者 既以此始必以此終 聖人藏諸用不以此
 顯示於人 恐小人託之以為姦庸人疑之而致惑耳 必先窮理盡性始可
 致於天命也 朱真集自始終而言退藏於密者為萬動之終 自終始而言
 寂然不動者為萬動之始 一日之早莫天地之始終具焉 一事之始終鬼
 神之變 **全德始終** 分門故事裝度初詔配享憲宗廟廷度退然
 化其焉 **全德始終** 繞中人而神觀邁真操守堅正善占對既有
 功名震四夷 仗外國者其君長必問度年今幾狀貌孰似天子用否其威
 譽德業比郭汾陽 而用不用常為天下重輕事四朝以全德始終及沒天

下莫不思 其風烈。乾坤始終魏伯陽參同契士癸配甲乙乾坤括始終

始必終抱朴子內篇論仙卷謂始必終而天地無窮焉書林事類始乎為士終

乎為聖人。學惡乎始惡乎終。曰其數則始乎誦經終乎讀禮其義則始乎為士終乎為聖人。首天行也。終則有始天行也。多終始慎厥與。書太甲天位。朕或德惟治否德亂與治同。道同不異。與亂同事。用不亡終始慎厥與。惟明明后。注言安危在所。任治亂在所。法明慎在所。與治亂之機。則為明王明君。疏言言與賢不與。任治亂在於用臣。始卒有始有卒者。其惟聖人乎。語典于學。念終始典于學。書說命。惟一終始。惟一時乃日新。注言德行終始不異。致是乃日新之義。咸有一德。慎終于始。注於終思始於始。慮終太甲。靡不有初。鮮克有終。詩慎厥初。惟厥終。終以不困。注作事云為必慎其初。念其終。書法天王者。動作終始必法於天。以其運行不息也。唐劉賈傳。萬物成終始乎艮。艮東北之卦。萬物之所成終而所成始。故曰成乎艮。疏。東北在寅丑之間。丑為前歲之末。寅為後歲之初。則見萬物成終而成始。終始象四時。樂記。既終於時。始於宮。終始象之變化。終而復始。終始無

永樂大典卷四百八十九

常主。易善始美終。原始要終。易之質也。繁善始以終。存王於能以功名終始者。聖師始於憂勤。終於逸樂。詩文王無缺。折肱書。郭子儀言。貴者考其始。成有一德。太甲。今嗣王新服厥命。終始惟一。時乃日新。伊尹立愛。惟親。立敬。惟長。始於家邦。終於四海。太甲下。謹終于始。上文注於始。慮終。於終思始。同上。終始謹厥與。惟明明后。疏。命下念終始。典于學。厥德修。周覺。詩。見文武始於憂勤。終於逸樂。上文疏。文王以此九篇治其內外。是始於憂勤也。今武王承於文王治平之後。內外無事。是終於逸樂。前元。始。傳。東漢文帝冊曰。賢良明於國家之體。通於人事之終始。同上。對曰。云。此明於人情。終始之功也。董仲舒傳。東武帝冊。仲舒曰。子大夫習俗之變。終始之序。選班固東都賦。光武克己。復禮以奉終始。允恭乎孝文。上文注。躬自儉約。同乎孝文帝。秦瓊傳。高宗永徽六年。遣使致祭。名臣圖形。凌煙閣者。凡七人。澄。士廉。瑤。志元。弘基。世南。叔寶。皆終始著名者也。劉賈。東文宗。臣前謂格王之理。其則不遠者。在陛下謹思之力。行之終始不懈而已。謹按春秋。先者氣之始也。春者歲之始也。春秋以元加於歲。又以春加於王。明王者當奉天道。以謹始也。又舉時以終歲。舉月以終時。春雖無

事必存首月以存時明王者奉天道以謹終也王者動作終始必法於天
以其運行不息也夫同上伏惟陛下謹終如始以塞天下之望名臣曰
惟厥終周公克謹厥始惟君臣克和厥中惟公克成厥終亦中之謹厥初
以功名始終不傳其郭子儀富貴壽考哀榮終始人臣之道無缺焉聖
賢孟子高車駟馬孔子始條理者智之事也終條理者聖人之事也六經
也萬物之所成終而所成始也此又上古之君子舉大事必謹其終
始人事有終始知所先後則近道矣此律小大之稱比終始之序以
象行事亦其日出於東月半於西陰陽長短終始相巡皆以致天下之
和杜預在序學者原始要終存其枝葉究其所窮在卷二十五書曰謹
始而敬終同上子產曰思其始而成其終又之十歸餘於終事則不悖
諸子語十人子夏曰有始有卒者其惟聖人乎上文終始如一唯聖人
耳本以一事夫孝始於事親中於事君終於立身同上身體髮膚受之父
母不敢毀傷孝之始也立身行道揚名於後世以顯父母孝之終也苟得
於生人之始也死人之終也終始俱善人道畢矣本末相順始終相應使

生死終始若一同上終始如一君子之道禮義之文也夫終始如一
夫是之謂大吉同上慮必先事而申之以敬謹終如始謹始如生如
存如亡終始一也同上始則終終則始與天地同理同上言以此道為
治終始不窮無休息則天下得其次序而學惡乎始惡乎終曰其數則
始乎誦經終乎讀禮其義則始乎為士終乎為聖人儒紛紛其有終
始王始君子敬始而謹終我仕人主臨事節民而以義變應寬裕而多容
恭敬以先之政之始也然後中和察斷以輔之政之隆也然後進退誅賞
之政之終也同上以法於聖人者習於人事之始終也同上終始若環莫
得其倫同上反覆終始莫知其端緒也同上謹終如始則無敗事
諸史文卷十古傳春申君說秦王曰詩曰靡不有初鮮克有終易曰狐涉
水濡其尾此言始之易終之難而終而復始也同上天之數始於
一終於二十有五其義紀之以三地之數始於二終於三十其義紀之以
兩五行志聖王發號施令亦奉天時十二月成得其氣則陰陽調而終始
成唐劉蕡春秋繼故必書即位所以正其始也終必書所終之地所以
正其終也聖俞易卷外注因事申令終則有始若天之行用四時也苟
正則始則終終則始若環之無端反說看如上文人之立事無不

銳始而工於初至其半則稍怠卒而漫漶不振也**終始**宋楊龜山字說論無時也無物也則無終始終則有始天行也時物由是有焉天行非有時物也中庸曰誠者天之道也又曰誠者物之終始蓋惟無息故爾又莫時物之有黃光大積善錄人之所為不能終始者無一事可到頭也學而無終始學必不得稼耕而無終始耕必不得穀以至射御書數醫藥卜筮百工技藝苟不能終始用心者皆不足以成事故凡學事無所成者乃無廢疾之業人也良可惜哉此吾子夏所以曰有始有卒者其惟聖人乎審夫此則人之為人當由是而為聖人之徒切不可反此致使無一事到頭而廢棄終身者也**論始終**敬齋泛說木壯於卯人之所知也生於人之所知也生於寅而成於戌人之所知也金知其壯於酉而不知其生於巳而成於丑水知其壯於子而不知其生於申而成於辰亦與木火無異也吾嘗吾張王之時据吾張王之地壯之也物莫先焉然而不可以語成功必也既當吾時又据吾地又涉吾所畏歷吾所忌獲歸吾必歸之所而後吾始終之事了矣彼其說春華棄秋實得一指而喪肩背者寧足以進此道耶**令終**詩大雅既醉篇高朗令終注令終

永樂大典卷四百八十九

七

義終

禮記祭法堯能賞均刑法以義終注義終謂既得二十八萬石也

處常得終

孔子世家補魯昭公二十五年榮啓期曰貧者士之常也死者人之終也處常得終當何憂哉孔子曰善乎能自寬者也**辭榮善**

終晉書魏舒為事必先行而後言遜位之際莫有知者**不能有**

終時論以為晉興以來三公能辭榮善終者未之有也

終金史粘割幹特剌傳世宗謂曰朕於天下事無不用心一如草創時幹特剌曰自古人君始勤終怠者多有始有終惟聖人能之上曰唐太宗至明之主也然魏徵諫以十事謂其不能有終是則有終始者實為難矣書言足用天下惟尹躬先見於西邑夏自周有終相亦惟終湯尚克時忱乃亦有終仲虺之誥謹厥終惟其始大甲中尚賴匡救之德圖惟厥終說今欽于時命其惟有終必已汝惟冲子惟終上文注惟當終其美業在正二年晉靈公不君趙盾士季諫三進及溜而後視之曰吾知其過矣將改之稽首而對曰人誰無過過而能改善莫大焉詩曰靡不有初鮮克有終未如是則能補過者鮮矣君能有終則社稷之固也書中平公惟公克成厥終六經易以勞謙君子有終吉坤以外君子以永

永樂大典

卷四八九

終知敵左又九年歸餘於終又十五年雖不能始善終可也東二十五年
 君子之行思其終也思其復也東二十七年君子之謀也始衷終皆舉之
 諸子也經一車終於立身日慎日慮必先事而申之以收謹終如始
 諸史則首春秋舉時以終歲舉月以終時春秋雖無事必存首月以存
 時明王者當奉天道以謹終也 譬喻孟子為車孔子金聲也者始條理
 也玉振之也者終條理也 反說 李舟傳襄帝切以今日視陛下志操衰
 於始初多也 夫宋唐可稱者三君宗元宗憲皆不免終也 宋齊梁其尾
 無攸利不續終也 體題 正始如初 周瑞如始 有始無終 有平
 無始賦偶始平不更正二微之始而百正大不 後先一如成十新之沒
 而必限承國賦隔切既其隆母去母宗之不克 命乃新服當如成自之
 惟 **必以惡終** 分門故事齊慶封未聘其車美孟孫謂叔孫曰慶
 終 惡終美車何為叔孫與慶封 季之車不亦美乎叔孫曰豹聞之服美不稱必以
 食不救為賦相鼠亦不知也 **怙終** 書齊典 青災肆赦怙終賊刑注
 而八於刑則難當有言積亦不許其有不聽其賄而心刑之也 記纂淵海
 小人以小惡為無傷而弗去也故惡積而不可掩罪大而不可解也 紫辭

永樂大典卷四百八十九

八

怙終賊刑。書齊典。晝夜頌頌。注。怙。無休。見。言。在。後。為人。為。不
 善。亦。惟。不。足。言。本。世。穢。德。彰。聞。同上。組。于。盡。完。言。石。陳。驕。淫。矜。誇。將。由。惡
 終。書。甲。命。方。茂。爾。惡。相。爾。牙。矣。詩。而。而。山。庶。曰。武。臧。獲。出。為。惡。詩。而。無。正
 多。將。燭。燭。不。可。救。藥。詩。板。長。惡。不。悛。從。自。及。也。左。傳。六。年。不。思。謗。讒。不。憚
 鬼神。怒。民。痛。無。悛。於。心。左。傳。二十。年。宋。子。魚。曰。禍。猶。未。也。未。足。以。懲。君
 左。傳。二十。一。年。於。易。一。過。為。過。再。為。涉。三。而。弗。改。滅。其。預。凶。魏。志。蜂。蟻。不
 奔。毒。於。人。則。不。靜。說。元。惟。誅。五。雖。九。死。其。猶。未。悔。楚
 曰。蜂。蟻。終。懷。毒。注。詩。景。音。不。悛。鳩。張。益。熾。口。傳。集
大罪非終
 書康誥。乃有大罪非終。乃惟青災通爾。既道極厥辜時。乃不可殺。注。人
 有大罪非是。故。化。乃。其。道。法。出。於。不。幸。偶。爾。如。此。既。自。稱。道。豈。輸。其。情。下
 教。德。匪。罪。罪。大。時。乃。不。可。殺
非終惟終 書呂刑。非終惟終。注
 即。非。典。所。謂。有。過。無。大。也。
一終 左傳襄公九年。公送晉侯
 之。謂。言。過。之。當。省。者。惟。終。即。康。誥。小
 罪。惟。終。之。謂。言。故。之。當。詳。者。詳。刑。字
 年。季。武。子。對。曰。會。于。沙。隨。之。歲。寡。君。以。生。晉。侯。曰。十。二。年。矣。是。謂。一。終。一
 星。終。也。注。十。二。年。終。為。一。終。歲。星。十。二。年。一。周。天。是。一。星。終。也。淮南子天

維建元常以寅始起右徙一歲而移十二歲而大周天終而復始呂氏春秋
 季冬之紀是月也日窮于次月窮于紀星迴于天數將幾終歲將更始
 行之是謂一終也十一月也晉史推五星術星與日會同宿共度
 則謂之合從合至合定日則謂之終各以一終之日與一歲之日通分相
 終而率之歲數歲則謂之合終歲數歲終則謂之合終合數二率既定則法數生焉
 升歌三終主人獻之笙入三終主人獻之間歌三終笙入三終主人獻之
 與堂下史代而作也堂上人先歌亦禮則堂下笙由房此為一終又堂上
 歌由有去則堂下笙亦由房此為二終又堂上歌由房此為三終主人獻之
 儀禮鄉飲
 間歌三終合樂三終工告樂備遂出一人揚觶乃立司正焉知其能和樂
 而不流也工入升歌三終者謂升堂歌也為四終又堂上者半每一篇而一
 終也笙入三終者謂吹笙之人入堂下而作也曰笙亦每篇每一篇而一
 終也間歌三終謂堂上與堂下史代而作也合樂三終謂堂上堂下歌必
 及至其作也孔子家語厄陳蔡子路八終羅必路史禪通紀為天者
 援箴而舞三終孔子之和之曲三終八終權天也其為治也不言而

永樂大典卷四百八十九

九

自信不化而自行蕩蕩乎無能名之及其樂也八士捉拊投之撻尾叩角
 亂之而歌八終一曰我民二曰王馬三曰是物四曰舍諸五曰我天六
 曰建市七曰休地德八曰臨萬物之性上林賦云聽蒼天之歌張揖云
 三星時者也其樂三人持牛尾杖足以教八曲一曰云云八曰總禽獸之
 極常昭曰古之王者其樂見呂春秋季善以遠
 物為有草木香枝為香五枝建為徽間為曲
 為終終十為書大禹謨帝曰四海困窮天祿永終
 同同方百里論語堯曰咨爾舜天之曆數在爾躬允
 執其中四海困窮天祿永終續後漢書吾彥傳彥吳時為建平太守吳亡
 彥始歸命武帝以為金城太守帝常從容問彥孫皓所以亡國者彥對曰
 吳主英俊宰相賢明帝笑曰君明臣賢何為亡國彥曰天祿永終歷數有
 屬所以為陛下禽此蓋天時非人事也張華時在坐謂彥曰君為吳將積
 有歲年茂而無聞竊所惑矣彥屬聲
 曰陛下知我卿不聞乎帝甚嘉之
 受終書舜典正月上
 伊尹宋詠史詩伊尹精忠死負冤元王筆下竟亡言他特斫脛剖心
 告終事說道渠家有本原上春秋後序紀年伊尹救太甲于桐乃自

立也伊尹即位放太甲七年太甲
潛出自桐殺伊尹立其子伊陟 **飾終** 經子法語荀子飾 **知終**

東漢書計子勳傳子勳者不知何郡縣人皆謂數百歲行來於人間
一旦忽言日中當死二十人與之葛衣子勳服而正寢至日中果死 **臨**

終 爾慎莫貴宅也後五年春當有詔使來項此亭姓龔此人負吾金即
以此版往責之勿違言也許渾詩王可封臨終詩 十世為儒少子孫一

生長負信陵恩今朝埋骨寒山下為報慈親休倚門中州集無事道人董
文甫臨終四首 無情喪主沒錢僧送上城南無事人檢盡傳燈無盡錄

更無公案這番新 生有地死有處萬年不能移一步一輪明月郎天心
此是渠僕住處住 白髮三千丈紅塵六十年只今無見在虛費草鞋錢

今古一輪月分明印碧霄門門塘影到處處桂香飄不起眼中暈何勞指
上標真空渾照破歸去杖頭挑 詩海繪章表世獨臨終作 青露千峯暝

悲風萬古呼其誰掛寶劍應有真生芻皎月東方墮長松半壑枯山泉吾
所愛聲到夜臺無 王渾秋澗集跋席懷遠臨終語錄 人當易著際後言

固不善昏矇速本真狂者涉誕幻倚嗟席懷遠洞徹生死變日氣薄西山

永樂大典卷四百八十九

嗷乎天理見諄諄忠孝言垂戒漢馬援灑然明月懷身後照鄉縣廣歌諸
賢詩清風一家傳中州集韓玉臨終詩 客自朝那戍東過古鄭原衰年
會山運奇禍發流言白骨將為土青蠅且在樊仰呼天外恨沉思地中冤
母喪半途鬼兒孤千里魂此心終不滅有路訴天關 天下無雙士軍中
有一韓才名兩相累世道一何艱旅次窮冬暮因孤永夜寒身亡家亦破
巢覆卵寧完雙鏢鞍仍在驚呼缺屨彈丈夫忠義耳無惜感歌還 滕奉
仗茂實臨終詩并序 其奉使亡狀不復反父母之邦猶當請從主行以
全臣節或怒而與之死幸以所杖節幡裹其尸及有篆字九為刊之石埋
於臺山寺下不必封樹蓋昔年大病夢遊清涼境界覺而失病所在恐于
此有緣如死窮微則乞骸骨歸悉如前禱預作哀詞幾于不達方之淵明
則不可亦庶幾少游之遺風也 蓋蓋老書生謬列王都官索米了無補
從事敢辭難殊隣復明好仗節來偷關城守久不下川涂望漫漫健革果
不惜一往何當還牧羊困蘇武假道拘張騫流離念窘束坐悶四序違同
未忘言歸我獨留塞垣形影自相吊國破家亦殘呼天竟不聞痛甚傷肺
肝相逢老兄弟悼歎安得驪波瀾卷大厦一本難求安就不違我心渠不
汗我顏昔燕破齊王羣臣望風奔王竭猶守節燕人有甘言經首自絕服

感慨今昔聞未嘗食齊祿徒以世為民况我祿數世一死何足論遠或死
江海近或死朝昏致我不須衣裘尸以黃幡題作宋臣墓冢字當深刊我
室尚少艾兒女皆童頑四海無置雖飄流倍悲酸誰當給衣食使不尼飢
寒歲時一醉我猶足慰我魂我魂亦悠悠異鄉寄沉寃他時風雨夜草木
號空

無疾而終

五代薛史列傳管迥者武漢球守洛郡日辟為
判官及漢球卒於汴迥在洛州未之知一日忽
謂所親曰太保遣人召我遂沐浴新衣冠無疾
瞑目而終家人不知其故後數日方聞漢球卒
謝泌性端而直奉道好服餌及被病沐浴衣道士服端坐而終

端坐而終

其身不傾上聞而嗟異遣使臨問恤賜家人即其坐為棺斂之

夢生

隨抄

是歲終元之亦以四十八而歿也臨歿用
事精當如此足以見其安於死生之際矣

儀 先期於行宮左右下御帳設使客幕次於東南至日北面臣僚各常
服其餘臣僚並朝服入朝使者至幕次有司以嗣子表狀先呈樞密院准

永樂大典卷四百八十九

備奏呈先引北面臣僚並矮敷已上近御帳相對立其餘臣僚依班位序
立引告終人使右入至丹墀面殿立引右立揖以前拜跪奏訖宣問若

嗣子已立恭身受聖旨奏訖復位嗣子未立不宣問引右下丹墀面北鞠
躬通班畢引面殿再拜不出班奏聖躬萬福再拜出班謝面天顏復位再

拜出班謝遠接復位再拜贊祇候退就幕次再入依
前而北鞠躬通辭再拜叙懸闕再拜贊好去禮畢

曆 復漢百官志人常卿大夫令一人六百石注書大傳至歷凡歲終春
新平曆日窮于次是月七日窮于次月窮于此是月窮于此是月窮于此

月窮于此是月窮于此是月窮于此是月窮于此是月窮于此是月窮于此
質成司會以歲之成賀於天子王上制官府正其治歲終制命百官府各

正其治受其會大率羣吏正歲會成終制奉文正歲會奉大平在朔易中
命和叔完朔方曰出都平在朔易注易謂歲改易於此方免其陰陽以文

季冬之月星四歲陰陽以文皆農人享賜周天之數五復漢志萬物畢
死歲者達也三百六十一日一周年萬物畢死故為一歲曰虎更次受計新

唐書百官志大戶一人從四品下
十二府州之序歲終更次受計

永樂大典

卷四八九

文

葉水心外集終論上 今天下之害其膠固而不能解寧縮而不能伸宿患積蠹臣已盡言之矣解之伸之豈無其道乎陛下始於出令必有以慰天下之心必能去經總制錢之半今州縣嗷嗷不能安息人臣之精力消耗疲竭不可復有所為者盡坐此錢而已罷去其半稍稍蘇息天下然後州縣之月椿板帳罷矣然後民之頭子感零勒合才契之額皆寬城矣然後罷和買罷折帛和買折帛罷則民所謂不正之歛皆無有矣三者罷而天下之心慰喜滿足然則國用安所取給臣以為二年之後分畫既定則朝廷之經費比今日必十去其五六所罷者足以當之有餘而二年前則未也陛下會計二年所罷之費為六十萬緡盡斥內帑封樁以補助之夫此內藏封樁者以之罷成三省之守欲而以代戶部四總領之用度其明德光耀新美觀聽自兩漢以來未有此舉動也然則乘此以革去朝廷百年之宿弊無不可者以之成進士入官可也以之成任子入官可也以之破資格可也以之重銓選可也以之廢吏胥可也百年以來世論所謂勦眾而召亂惴惴然不敢舉如臣所言之害者今皆並舉而為之無難也如此則朝廷清矣然後分兩淮江南荆湖四川為四鎮以今駐劄之兵各以委之所謂四鎮者非盡舉此百餘郡以植立之也於中各劄

屬數州使兵民財賦皆得自用而朝廷之兵寬矣朝廷今既裁經總制罷和買折帛蜀之折估青章而內出四年之費以供餽四總領矣宜任四人者由郡守攝都統制召舊帥使歸宿衛鈞考其隱冒乾沒請給不盡及軍人之罪聲而治之然後保四人者一聽其所為而吾無問焉所問者吾欲精其軍使各不過三四萬吾欲用士之銳而不併富其家小夫屬士而養之將用於死地以求勝也乃為之立家是兵為民也古者民為兵今者兵為民宜其消惰要弱而不可制也昔者之論欲一當百又曰欲一當十夫百十何可當也姑得一當一則精兵也夫一人得一人之用則固已十四五萬人矣用之必死誰敢敵者女真之來南也雜以美契丹勃海漢兒前纒五六萬後亦不滿十萬而已夫用兵者用其氣也多兵以先因氣先索耳吾之所問者如此又有所問更其政行其新令吾欲其無謹無動以惟吾之所命若此者在用其人而已各與之數州地使自食而餘州得寬焉此二年之內所得焉而二年之外收其效者也若是則朝廷寬矣然則何以治廂禁軍乎土兵而寬州縣宜先擇一二十州界之使散雜役之廂軍今之廂軍盡隸官下無在營者併與之以一二年之衣糧使各自為子本以權給之而州無復給又散禁軍夫廂軍可散也禁軍散且為亂

奈何曰禁軍之可畏者為有以禁切州縣使不得私役且上教故也今不
 上教散而雜役如廂軍為彼欣然自幸耳然則散禁軍如散廂軍弓手之
 費稍輕土軍差小不急散也夫將消盡要以必散而止夫廂禁土兵不加
 問為餘則名屬之而已而又專擇其人以各自治其一州所謂兵民財賦
 皆得自用則朝廷平日所以置四總領魏其軍輸者二年之後皆可無復
 與彼以數州之財足養之矣如此則彼之任專吾之費輕矣雖然以兵與
 人以地與人此今日異常之大事也然其為之者不驚世不動衆陸下一
 日命之則成矣成則久久則安之以為常然若此者內以養月之內盡去
 民之所患苦外以二年之外兵屬士奮可用之於死地而大功可舉矣陸
 下不惜財不吝權念吾之所大欲者解膠固仲寧縮易於舉動果於責成
 以立大功而已則戒經總制除和買折帛以先慰天下之心而後朝廷所
 謂頃密不可變之法度者盡變之以共由於疏通明達之塗矣分江淮川
 蜀之地與之兵民財賦以重人臣一任而以朝廷所謂專閉不可分之紀
 綱者盡分之以各合於外堅中柔之術矣若此者兼兩漢之長而不襲兩
 漢之失待之以成功而終之以禮樂則三王之治不難進也雖然為此者
 官非難也而士為難士非難也而民為難民非難也而兵為難誠今世之

永樂大典卷四百八十九

十三

大事也國兵之難者定則天下之利盡矣 終論下 致今日之治無他
 道上寬朝廷下寬州縣而已竭朝廷之力使不得寬者四駐劄之兵也竭
 州縣之力使不得寬者廂禁軍弓手土兵也然則何以治四駐劄弓手皆
 散何以守其地自三等以上籍其家一人以為兵竭其稅後大州二千人
 而止下州八百人而止州縣各為之所將校率用其人秋冬而教春夏則
 否有呼召不用常法然其為兵也必在州縣四方三十里之近家者此三
 四年之內所得為而三四年之外收其效者也若是則州縣寬矣朝廷寬
 則凡所以取州縣者皆不用而食租稅之正矣州縣寬則凡所以取民者
 皆不用而欲租稅之正矣且又非持此也朝廷寬則羣臣有暇而人材多
 矣不若今之乏也州縣寬則民有暇而善良多矣不若今之薄也上多人
 材下多良民兵省而精費省而富五年之內二年之外合其氣勢用其鋒
 銳義聲昭布奇策並出不用以滅虜而何所用哉雖然為此者無他也力
 行而已按其歲月在乎二年之外五年之內今日行此事去此弊某日此
 弊去此效見不見則易其人加之意而行之以日月計其實效致矣貞觀
 政要論慎終 貞觀十二年太宗謂侍臣曰朕讀書見前王善事皆力行
 不忘其所任用公輩教人誠以為賢然致理比於三五之代猶為不逮何

也。魏徵對曰：今四夷賓服，天下無事，誠曠古所未有也。然自古帝王初即位者，皆欲勵精為政，比迹於堯舜，及其安樂也，則驕侈放逸，莫能終其善。人臣初見任用者，皆欲匡主濟時，追蹤於稷契，及其富貴也，則思苟全官爵，莫能盡其忠節。若使君臣常無懈怠，各保其終，則天下無憂，不理自可。超邁前古也。太宗曰：誠如卿言。貞觀十三年，魏徵恐太宗不能克終儉約，近歲頗好看縱，上疏諫曰：臣觀自古帝王受圖定鼎，皆欲傳之萬代，貽厥孫謀，故其垂拱巖廊，布政天下，其語道也必先淳朴，抑浮華，其論人也必責忠良，鄙邪佞，言制度也則絕奢靡而崇儉約，談物產也則重穀帛而賤珍奇，然受命之初，皆遵之以成治，稍安之後，多反之而敗俗，其故何哉？豈不以居萬乘之尊，有四海之富，出言而莫己逆，所為而人必從，公道溺於私情，禮節虧於嗜欲故也？諺曰：非知之難，行之惟難。非行之難，終之斯難。所言信矣。伏惟陛下年甫弱冠，大拯橫流，削平區宇，肇開帝業，貞觀之初，時方克壯，抑損嗜欲，躬行節儉，內外康寧，遂臻至治，論功則湯武不足方，塔德則堯舜未為遠，臣自擢居左右，十有餘年，每侍帷幄，屢奉明旨，常許仁義之道，守之而不失，儉約之志，終始不渝，一言興邦，斯之謂也。德音在耳，敢忘之乎。而頃年以來，稍乖曩志，敷朴之理，漸不克終，謹以所聞列

之如左。陛下貞觀之初，無為無欲，清淨之化，遠被遐荒，考之於今，其風漸墜。聽言則遠，過於上聖，論事則未踰於中主，何以言之？漢文晉武，俱非上哲，漢文辭千里之馬，晉武焚雉頭之裘，今則求駿馬於萬里，市珍奇於域外，取侘於道路，見輕於戎狄，此其漸不克終一也。昔子貢問理人於孔子，孔子曰：懷乎若朽索之馭六馬，子貢曰：何其畏哉？子曰：不以道導之，則吾讎也。若何其無畏？故書曰：人惟邦本，本固邦寧。為人上者，奈何不敬？陛下貞觀之始，視人如傷，恤其勤勞，愛之如子，每存簡約，無所營為，頃年以來，意在奢縱，忽忘卑儉，輕用人力，乃云百姓無事，則驕逸勞役，則易使，自古以來，未有由百姓逸樂而致傾敗者也。何有逆畏其驕逸而欲勞役之哉？恐非興邦之至言，豈安人之長筭，此其漸不克終二也。陛下貞觀之初，損己以利物，至於今者，縱欲以勞人，卑儉之迹，歲改驕侈之情，日異，雖憂人之言不絕於口，而樂身之事實切於心，或時有所營，慮人致諫，乃云若不為此，不使我身，人臣之情，何可優諍，此直意在杜諫者之口，豈曰擇善而行者乎？此其漸不克終三也。立身成敗，則於所染，蘭芷鮑魚，與之俱化，慎乎所習，不可不思。陛下貞觀之初，砥礪名節，不私於物，唯善是與，親愛君子，疎斥小人，今則不然，輕棄小人，禮重君子，重君子也，故而遠之，輕小人

也。狎而近之，近之則不見其非遠之則莫知其是，莫知其是則不問而自
疎，不見其非則有時而自昵。昵近小人，非致理之道。疎遠君子，豈興邦之
義。此其漸不克終四也。書曰：不作無益害有益，功乃成。不貴異物賤用物，
人乃足。犬馬非其土性，不畜。珣禽奇獸，弗育於國。陛下貞觀之初，動遵堯
舜，捐金抵璧，反朴還淳。頃年以來，好尚奇異，難得之貨，無遠不臻。玳瑁之
作，無時而至。上好奢靡，而望下敦朴，未作滋興，而求農人豐實，其不可得
亦已明矣。此漸不克終五也。貞觀之初，求賢如渴，善人所舉，信而任之，取
其所長，恐其不及。近歲以來，由心好惡，或眾善舉而用之，或一人毀而棄
之，或積年信而任之，或一朝疑而遠之。夫行有素履，事有成跡，所毀之人，
未有可信於所舉。積年之行，不應頓失於一朝。且君子之懷，蹈仁義而弘
大德，小人之性，好讒佞以爲身謀。陛下不審察其根源，而輕爲之臧否，是
使守道者日疎，干求者日進。所以人思苟免，莫能盡力。此其漸不克終六
也。陛下初登大位，高居深視，事唯清靜，心無嗜欲，內除華戈之物，外絕畋
獵之源。數載之後，不能固志，雖無十旬之逸，或過三驅之禮，遂使盤遊之
娛，見譏於百姓。鷹犬之貢，遠及於四夷。或時教習之處，道路遙遠，侵晨而
出入，夜方還，以馳騁爲歡，莫慮不虞之變。事之不測，其可救乎。此其漸不

克終七也。孔子曰：君使臣以禮，臣事君以忠。然則君之待臣，義不可薄。陛
下初踐大位，教以接下。君思下流，臣情上達，咸思竭心力，無所隱。頃年以
來，多所忽畧，或外官充使，奏事入朝，思親闕庭，將陳所見，欲言則顏色不
接，欲請又恩禮不加。問因所短，詰其細過，雖有聰辨之畧，莫能伸其忠致。
而望上下同心，君臣交泰，不亦難乎。此其漸不克終八也。傲不可長，欲不
可縱，樂不可極，志不可滿。四者前王所以致禍，聖賢以爲深誡。陛下貞觀
之初，孜孜理化，屈己從人，恒若不足。頃年以來，傲自矜放，恃功業之大，意
蔑前王，負聖智之明，心輕當代。此傲之長也。欲有所爲，昏取遂意，縱或抑
情從諫，終是不能忘懷。此欲之縱也。志在嬉遊，情無厭倦，雖不全妨政事，
不復專心治道。此樂將極也。率土乂安，四夷款服，仍遠勞士馬，問罪遊裔，
此志將滿也。親狎者阿旨而不肯言，疎遠者畏威而莫敢諫，積而不已，將
虧聖德。此其漸不克終九也。昔堯舜成湯之時，非無災患，而稱其聖德者，
以其有始有終，無爲無欲。遇災則極其憂勤，時安則不驕不逸。故也。貞觀
之初，頻年霜旱，畿內戶口並就關外，携負老幼，來往數千，曾無一戶逃亡。
一人怨苦。此誠由陛下矜育之懷，所以至死無携貳。頃年以來，疲於徭役，
闕中之人，勞弊尤甚，雜匠之徒，下日悉留和雇，正兵之輩，上番多別驅使。

永樂大典

卷四八九

和市之物不絕於鄉閭適送之步不絕於道路既有所弊易為驚擾脫因水旱殺麥不收恐百姓之心不能如前日之寧帖此其漸不克終十也臣聞禍福無門惟人所召人無業焉妖不妄作伏惟陛下統天御寓十有三年道洽寰中威加海外年穀豐稔禮教聿興比屋踰於可封并春同於水火暨乎今歲天災流行災氣致旱乃速被於郡國凶醜作孽忽起於殿下夫天何言哉垂象示誠斯誠陛下驚懼之辰憂勤之日也若見誠而懼擇善而從同周文之小心追救湯之罪已前王所以致理者勤而行之今時所以敗德者思而改之與物更新易人視聽則實祚無疆普天幸甚何禍敗之有乎然則社稷安危國家理亂在於一人而已當今太平之基既崇極天之峻九仞之積猶虧一篑之功千載休期時難再得明主可為而不為微臣所以驚結而長歎者也臣誠愚鄙不達事機畧舉所見十條輒以上聞聖聽伏願陛下採臣狂替之言恭以芻蕘之議冀十慮一得宸職有補則死日生年甘從斧鉞疏奏太宗謂微曰人臣事主順旨甚易忤情尤難公作朕耳目股肱常論思獻納朕今聞過能改庶幾克終善事若違此言更何顏與公相見復欲何方以理天下自得公疏反覆研尋深覺詞強理直遂列為屏障朝夕瞻仰又錄付史司冀千載之下識君臣之義

永樂大典卷四八九

十六

乃賜傲黃金十斤廐馬二疋 貞觀十四年太宗謂侍臣曰平定天下朕雖有其事守之失圖功業亦復難保秦始皇初亦平六國據有四海及末年不能善守實可為戒公等宜念公忘私則榮名高位可以克終其美魏徵對曰臣聞之戰勝易守勝難陛下深思遠慮安不忘危功業既彰德教復洽恒以此為政宗社無由傾敗矣 貞觀十六年太宗問魏徵曰觀近古帝王有傳位十代者有一代二代者亦有身得身失者朕所以常懷憂懼或恐撫養生民不得其所或恐心生驕逸喜怒過度然不能自知卿可為朕言之當以為楷則徵對曰嗔欲喜怒之情賢愚皆同賢者能節之不使過度愚者縱之多至失所陛下聖德玄遠居安思危伏願陛下常能自制以保克終之美萬代永賴分舉類說終說 人 吳漢耿弇各以功名終 趙以趙括代廉頗而敗於白起楚以顏 代李牧而敗於王翦燕以騎劫代樂毅敗於田單靡不有初鮮克有終 顧愷之食蔗自尾至首曰漸入佳境子嘉聽樂從絲及竹曰漸近自然物固於薄於所始而厚於其所終矣 物 物有始美而終惡者離黃之子是也有始惡而終美者澤雉之子是也 事 行百里半於九十此言未終之難也

無終

西漢書地理志無終。注縣名屬右北平郡。故無終子國。澧水西至雍州入海。過郡曰行六百五十里。師古曰。澧音唐。即下所云。

入唐者同一水也。隋書地理志。無終縣後齊置。後周又廢。徐無縣入焉。大業初置。漁陽郡有長城。有燕山。無終山。有洵河。如河。庚水。澧水。濫水。有海。

終氏

通志氏族畧。陸終之後。以名為氏。望出濟南。南陽宋有終。慎思。又左傳。母終子。嘉父。翟國君也。王莽曾祖翁。猶與東平。陸

終氏有怨。姓氏通華。終利。恭下。邳人。東觀漢記。終謹。思善。學家。貧。董。儲。為之。富者。不遇。謹。思。報云。魯。前。高。飛。謂。即。城。之。必。下。秦。城。不。割。侯。趙。壁。以。空。歸。明。年。首。薦。謝。啓。三。年。于。此。眾。人。悉。指。於。毛。生。一。軍。皆。驚。大。將。果。推。於。韓。

信。氏。族。言。行。錄。姓。纂。陸。終。之。後。以。王。父。字。為。氏。遼。西。北。燕。有。終。萬。以。文。章。知。名。通。鑑。商。外。紀。陸。終。帝。警。之。祝。融。與。回。生。陸。終。羅。必。路。史。高。辛。氏。紀。無。終。氏。景。之。孫。封。陽。樊。後。宅。無。終。為。無。終。氏。高。陽。氏。紀。陸。終。氏。高。陽。氏。之。後。

終軍

西漢書軍字子雲。濟南人也。少好學。以辯博能屬文聞於郡中。師古曰。有古之說。元平十八選為博士弟子。至府受遺。師古曰。

博士弟子。屬太常。受遺者。由郡。遺詣。不。叩。太守。聞。其。有。異。材。召。見。軍。甚。奇。之。與。交。結。軍。揖。太守。而。去。至。長。安。上。書。言。事。武。帝。異。其。文。拜。軍。為。謁。者。給。

永樂大典卷四百八十九

十七

事。中。從。上。幸。雍。祠。五。時。獲。白。麟。一。角。而。五。蹄。師。古。曰。每。一。足。有。五。蹄。也。特。

又。得。奇。木。其。枝。旁。出。輒。優。合。於。木。上。上。異。此。二。物。博。謀。羣。臣。師。古。曰。訪。上。微。思。也。軍。上。對。曰。臣。聞。詩。頌。君。德。樂。舞。后。功。異。經。而。同。指。明。盛。德。之。所。降。

也。南。越。窳。屏。葭。葦。與。鳥。魚。羣。師。古。曰。葭。葦。也。或。長。則。曰。葦。葭。葦。也。正。朔。不。及。其。俗。有。司。臨。境。而。東。甌。內。附。閔。王。伏。辜。南。越。賴。救。北。胡。隨。畜。薦。居。蘇。林。

曰。薦。草。也。師。古。曰。蘇。說。非。也。為。讀。曰。荐。存。屨。也。言。隨。畜。牧。屨。易。故。居。不。受。住。也。左。傳。成。狄。存。者。也。禽。獸。行。虎。狼。心。上。古。未。能。攝。大。將。軍。兼。鈇。單。于。

奔。幕。師。古。曰。奔。古。奔。字。索。騎。抗。旌。范。邪。石。柱。師。古。曰。范。舉。也。石。柱。從。中。國。化。也。是。下。門。反。是。澤。南。洽。而。威。北。暢。也。師。古。曰。洽。濟。也。暢。達。也。若。罰。不。

阿。近。舉。不。遠。遠。誤。官。竣。賢。縣。實。待。功。師。古。曰。竣。古。俊。字。以下。亦。同。能。者。進。以。保。祿。罷。者。退。而。勞。力。師。古。曰。罷。讀。曰。疲。謂。不。堪。職。任。也。勞。力。解。展。也。

也。刑。於。宇。內。矣。師。古。曰。刑。法。也。言。成。法。於。宇。內。也。一。曰。刑。見。也。履。衆。美。而。不。足。懷。聖。明。而。不。專。師。古。曰。言。自。謙。也。建。三。宮。之。文。質。章。厥。職。之。所。宜。師。

古。曰。三。宮。明。堂。堂。能。宣。也。師。古。曰。於。三。宮。班。政。教。有。文。質。者。也。封。禪。之。若。無。間。焉。張。晏。曰。前。世。封。禪。之。名。不。聞。若。斯。之。見。也。夫。天。命。初。定。萬。事。草。創。師。古。曰。謂。始。立。命。之。名。也。及。臻。六。合。同。風。九。州。共。貫。必。待。明。聖。潤。邑。祖。

創。師。古。曰。謂。始。立。命。之。名。也。及。臻。六。合。同。風。九。州。共。貫。必。待。明。聖。潤。邑。祖。

業傳於無窮。師古曰。謂先師之故。周至成王。然後制定。而休徵之應見。師古曰。休。美也。徵。證也。陛下。盛日月之光。垂聖恩於勅成。享神明之敬。奉燔瘞於郊宮。師古曰。燔。祭天也。瘞。祭地也。祭天則地之祭地則報之。師古曰。春時及后土也。獻享之精。交神積和之氣。塞明師古曰。塞。各也。明者。明靈。亦謂神也。而異獸來獲。宜矣。昔武王中流未濟。白魚入於王舟。俯取以燎。奉公成曰。休哉。師古曰。謂伐紂時。解在並仲野。傳今郊祀。未見於神祇。而獲獸以饋。師古曰。以饋。謂无祭也。此天之所以示饗。而上通之符合也。宜因昭時。今日。改定告元。依委曰。改元。平以吉神祇也。師古曰。昭。明也。今古也。直以白茅於江淮。發嘉號于營丘。以應續照。服虔曰。直。作。亦也。張晏曰。江淮。職貢三脊茅為藉也。五原曰。嘉號。封禪也。泰山在齊分野。故曰營丘也。或曰。登封。泰山也。以明姓號也。師古曰。直。音。祖。又音。于。豫。反。非。也。其之美也。使著事者有紀焉。師古曰。謂大官也。紀。記也。蓋六鷁退飛。逆也。張晏曰。六鷁。退飛。象諸侯。呼。逆。來。義。公。伯。道。退。也。白魚登舟。順也。張晏曰。周。本。德。也。舟。不。也。故。水。德。魚。水。物。魚。瑞。登。舟。象。諸。侯。順。周。以。討。并。武。王。也。巨。噴。口。時。論。者。未。以。舟。為。木。故。為。水。也。謂。武。王。發。棹。而。魚。入。王。舟。象。征。而。必。獲。故。曰。順。也。師古曰。噴。說。是。也。夫。明。闇。之。徵。上。亂。飛。鳥。下。動。淵。魚。師古曰。

永樂大典卷四百八十九

曰。亂。變。也。各。以。類。推。今。野。獸。并。角。明。同。本。也。師古曰。并。合。也。獸。皆。兩。角。今。此。獨。一。故。云。并。也。衣。支。內。附。示。無。外。也。若。此。之。應。殆。將。有。解。編。髮。削。左。衽。繫。冠。帶。要。衣。裳。而。蒙。化。者。焉。師古曰。要。衣。裳。謂。着。十。國。之。衣。裳。也。編。讀。曰。解。要。音。一。達。反。斯。拱。而。竣。之。耳。師古曰。拱。手。而。侍。之。言。其。即。至。對。奏。上。甚。異。之。由。是。改。元。為。元。狩。後。數。月。越。地。及。匈。奴。名。王。有。率。眾。來。降。者。時。皆。以。軍。言。焉。中。師古曰。音。竹。仲。反。元。鼎。中。博。士。徐。偃。使。行。風。俗。師古曰。行。音。下。吏。反。偃。矯。制。師古曰。矯。記。也。記。古。吏。詔。也。使。膠。東。魯。國。鼓。鑄。鹽。鐵。如。淳。曰。請。銅。鐵。有。火。謂。之。鼓。還。奏。事。徒。為。太。常。丞。御。史。大。夫。張。湯。劾。偃。矯。制。大。害。法。至。死。偃。以。為。春。秋。之。義。大。夫。出。疆。有。可。以。安。社。稷。存。萬。民。額。之。可。也。師古曰。額。與。身。同。下。亦。類。此。湯。以。致。其。法。不。能。誣。其。義。有。詔。下。軍。閭。狀。軍。詰。偃。曰。古。者。諸。侯。國。異。俗。分。百。里。不。通。時。有。聘。會。之。事。安。危。之。執。呼。吸。成。變。故。有。不。受。辭。造。命。額。己。之。宜。今。天。下。為。一。萬。里。同。風。故。春。秋。王。者。無。外。偃。巡。封。域。之。中。稱。以。出。疆。何。也。且。鹽。鐵。郡。有。餘。賦。師古曰。先。有。音。積。正。二。國。廢。國。家。不。足。以。為。利。害。而。以。安。社。稷。存。萬。民。為。辭。何。也。又。詰。偃。膠。東。南。近。琅。邪。北。接。北。海。魯。國。西。枕。泰。山。東。有。東。海。受。其。鹽。鐵。偃。度。四。郡。口。數。田。地。師古曰。度。計。也。音。人。名。反。率。其。用。器。食。鹽。不。足。以。并。給。二。郡。相。將。就。宜。有。

永樂大典

卷四八九

餘而吏不能也何以言之。僞矯制而鼓鑄者。欲及春耕種。贍民器也。師古曰。勝是也。今魯國之鼓。當先具其備。師古曰。備者。猶今言。河度。至秋乃能舉火。此言與實反者。非。師古曰。重何之。僞已前三奏無詔。師古曰。不報。僞也。不惟所為不許。師古曰。惟。思也。而直矯作威福。以從民望。于名。米。舉。師古曰。于。不也。米。取也。此明聖所必加誅。枉尺直尋。孟子稱其不可。師古曰。孟子。五刑也。八尺曰尋。孟子之言。曰。陳代問於孟子曰。任人。五尋。若可。為也。孟子曰。子過矣。任己者。未有能直人者。七年矣。而尺。短。故陳代。十八。直者。多而所。曲者。少。則可。為之。孟子以為。苟有。小。曲。則害。故。大。直。故。不可也。今所紀罪重所就者。小。師古曰。就。成也。僞自子必死。而為之。邪。師古曰。子。計也。將。幸。誅。不加。欲。以。采。名。也。師古曰。子。其也。僞窮。詘。服。罪。當。死。軍。奏。僞。矯。制。顯。行。非。子。使。體。請。下。御史。徵。僞。即。罪。師古曰。徵。召也。即。就也。奏。可。上。善。其。詰。有。詔。示。御史。大夫。初。軍。從。濟。南。當。詣。博士。步。入。關。關。吏。子。軍。縶。張。是。曰。端。昔。須。備。存。也。昔。年。製。而。小。之。古。奉。契。失。蘇。林。曰。縶。吊。連。也。善。關。出。入。皆。以。傳。傳。項。因。製。縶。頭。今。以。為。行。信。也。師古曰。縶。說。是也。軍。問。以此。何。為。吏。曰。為。復。傳。師古曰。復。返也。謂。送。出。關。吏。以。為。傳。復。扶。福。及。傳。張。懸。天。次。下。亦。同。還。當。以。合。符。軍。曰。大。丈。夫。西。游。終。不。復。傳。還。秦。縶。而。去。軍。為。錫。

水樂大典卷四百八十九

十九

者使行郡國。師古曰。行。音下。吏。其。後。亦。同。建。節。東。出。關。關。吏。識。之。曰。此。使。者。迺。前。秦。縶。生。也。軍。行。郡。國。所。見。使。宜。以。聞。還。奏。事。上。甚。說。師古曰。說。讀。曰。此。當。發。使。劾。奴。師古曰。漢。制。故。遣。人。為。使。於。身。奴。也。軍。自。請。曰。軍。無。橫。單。之。功。師古曰。言。行。軍。中。使。單。僅。此。故。云。橫。單。也。得。列。宿。衛。食。祿。五。年。邊。境。時。有。風。塵。之。警。臣。宜。被。堅。執。銳。當。矢。石。啓。前。行。師古曰。行。音下。即。切。驚。下。不。習。金。革。之。事。今。聞。將。遣。匈。奴。使。者。臣。願。盡。精。厲。氣。奉。佐。明。使。畫。吉。凶。於。單。子。之。前。臣。年。少。材。下。孤。於。外。官。師古曰。孤。遠也。外。官。謂。非。侍。衛。之。臣。也。不。足。以。充。一。方。之。任。師古曰。充。當也。昔。抗。竊。不。勝。憤。懣。詔。問。畫。吉。凶。之。狀。上。奇。軍。對。推。為。謀。議。大。夫。南。越。與。漢。和。親。迺。遣。軍。使。南。越。說。其。王。欲。令。入。朝。比。內。諸。侯。軍。自。請。願。受。長。纓。必。為。南。越。王。而。致。之。關。下。師古曰。言。如。馬。為。也。軍。遂。往。說。越。王。越。王。聽。許。請。舉。國。內。屬。天。子。大。說。師古曰。說。讀。曰。悅。賜。南。越。大。臣。印。綬。壹。用。漢。法。以。新。改。其。俗。令。使。者。留。填。撫。之。師古曰。填。音。竹。曰。天。越。相。呂。嘉。不。欲。內。屬。發。兵。攻。殺。其。王。及。漢。使。者。皆。死。語。在。南。越。傳。軍。死。時。年。二。十。餘。故。世。謂。之。終。童。劉。後。村。集。武。帝。有。荒。志。終。童。無。遠。謀。長。纓。自。繫。耳。莫。繫。越。王。頭。

永樂大典

卷四九〇

永樂大典卷之四百八十九

永樂大典卷四百八十九

千